



**NARODNO
POZORIŠTE
SARAJEVO**

Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Bana 9
tel: +387 33 445 138
e-mail: uredirektora@nps.ba
JU Narodno pozorište Sarajevo
website: www.nps.ba
URED DIREKTORA
Sarajevo,05-2406/26
Datum: 08.04.2026. godine

ZAPISNIK
sa četvrte elektronske sjednice Nadzornog odbora
održane 08.04.2026. godine

Prisutni: Alma Mahmutović, v.d. predsjednica, Samra Čamdžić član
Osiguran kvorum: prisutna dva člana Nadzornog odbora.

Za sjednicu predložen i usvojen sljedeći
DNEVNI RED

1. Usvajanje Zapisnika sa treće sjednice NO JU NPS od 24.03.2026.godine;
2. Razmatranje dokumentacije dostavljene vezano za anonimnu prijavu od 11.02.2026.godine;
3. Razmatranje anonimne prijave dostavljene 27.02.2026.godine;
4. Usvajanje Izvještaja Ministarstvu kulture i sporta Kantona Sarajevo, o postupanju NO po anonimnim prijavama od 11.02. i 27.02.2026.godine
5. Tekuća pitanja

Sjednicom predsjedavala Mahmutović Alma,
predsjednica;

1. Usvajanje Zapisnika sa treće sjednice NO JU NPS od 24.03.2026.godine

Zapisnik je usvojen jednoglasno.

2. Razmatranje dokumentacije dostavljene vezano za anonimnu prijavu od 11.02.2026. godine

Nadzorni odbor JU Narodno pozorište Sarajevo, postupajući po anonimnoj prijavi dostavljenoj putem Ministarstva kulture i sporta Kantona Sarajevo, na osnovu Odluke o pokretanju postupka nadzora započeo nadzor zakonitosti poslovanja ustanove. Izvršen je uvid u drugi dio dokumentacije dostavljen na zahtjev Nadzornog odbora, putem v.d. Direktora od strane nadležnih službi JU NPS, uz popratno pismo-obrazloženje i to:

- Izvještaj o ukupnom broju postupaka i ukupnoj vrijednosti dodijeljenih ugovora/okvirnih sporazuma po vrsti postupka i predmetu nabavke za JU NPS, za 2024. i 2025. godinu, dostavljen od strane Agencije za javne nabavke BiH,
- Izvještaj o vrijednosti pojedinačnih ugovora za sve dobavljače za JU NPS, za 2024. i 2025. godinu, dostavljen od strane Agencije za javne nabavke BiH,
- Ugovori o poslovnoj saradnji zaključeni sa Karter doo Sarajevo- 3 ugovora i to:

Ugovor broj 05-2281/25 od 19.03.2025. godine

Ugovor broj 05-4936/25 od 25.06.2025. godine

Ugovor broj 05-6114/25 od 26.09.2025. godine

Predmet nabavki odnosio se na usluge izrade digitalnih karata i usluge tehničke podrške potrebne za realizaciju procesa elektronske prodaje. Za navedene nabavke v.d. Direktor NPS Ermin Sijamija je dao sljedeće pismeno objašnjenje:

“Sistem elektronske prodaje karata uveden je po prvi put u historiji ustanove tokom 2025. godine. Imajući u vidu da se radilo o novom modelu poslovanja, implementacija je vršena fazno, kroz kraće vremenske periode, radi procjene funkcionalnosti sistema i finansijskih efekata. Istovremeno, tokom 2025. godine ustanova je bila predmet više inspekcijskih nadzora iz oblasti zaštite od požara, zaštite na radu i tehničke ispravnosti objekta, na osnovu kojih su realizovane određene obaveze koje su zahtijevale budžetska sredstva. U tim okolnostima, pristup fazne implementacije predstavljao je odgovoran način upravljanja finansijskim obavezama ustanove.”

Uvidom u navedene ugovore, utvrđeno je da je da su isti zaključeni u skladu sa ovlaštenjima Direktora koji su propisana u važećim “PRAVILA JAVNE USTANOVE NARODNO POZORIŠTE SARAJEVO”

Ugovor o sponzorstvu sa Karter doo Sarajevo- 3 ugovora:

- Ugovor o sponzorstvu sa broj 05-7836/25 od 10.12.2025.godine,
- Ugovor o sponzorstvu broj 05-456/26 od 23.01.2026.godine,
- Ugovor o sponzorstvu broj 05-1227/26 od 27.02.2026.godine.

Za navedene ugovore v.d. Direktor NPS Ermin Sijamija je dao sljedeće pismeno objašnjenje:

“Napominjemo daje u 2026. godini saradnja sa istim privrednim subjektom regulisana putem ugovora o sponzorstvu za period januar, februar i mart 2026. godine, pri čemu Narodno pozorište Sarajevo nema finansijskih obaveza niti vrši plaćanje budžetskih sredstava, zbog čega se navedeni odnos ne provodi u režimu javnih nabavki.”

3. Razmatranje anonimne prijave dostavljene 27.02.2026.godine

Nadzorni odbor je zadužio v.d. direktora JU Narodno pozorište Sarajevo da Nadzornom odboru dostavi pisano očitovanje, na dolje postavljena pitanja, te navode iz prijave, kao i relevantnu dokumentaciju ukoliko ista postoji.

V.d. direktor JU Narodno pozorište Sarajevo Ermin Sijamija je Nadzornom odboru dostavio sljedeće pisano očitovanje:

“Poštovana,

u vezi sa pitanjima od strane Nadzornog odbora upućenih direktoru Pozorišta, a vezano za dopis Kantonalne uprave za inspeksijske poslove Kantona Sarajevo, kojim je Nadzornom odboru dostavljena anonimna prijava na znanje i eventualno postupanje, dostavljam sljedeće očitovanje:

U pogledu navoda koji se odnose na eventualno miješanje članova Upravnog odbora u operativni rad ustanove, ističem da su predmetni navodi vezani za period prije mog imenovanja na funkciju vršioca dužnosti direktora, te kao takvi nisu bili u mojoj nadležnosti niti sam imao neposredna saznanja o njima.

Također eventualne situacije u kojima su članovi Upravnog odbora davali direktne naloge zaposlenicima mimo direktora ukoliko su postojale, odnose se na raniji period i nisu bile predmet mog postupanja niti odučivanja.

U odnosu na pitanje eventualnog kršenja internih pravilnika i procedura, ovim putem potvrđujem da u periodu mog imenovanja nisu utvrđena niti evidentirana bilo kakva kršenja od strane organa upravljanja ili drugih subjekata.

Nadalje, u protekla dva mjeseca obavljanja funkcije vršioca dužnosti direktora Pozorišta, nisam zaprimio nijednu pritužbu radnika koja bi se odnosila na pritiske ili neprimjerenu komunikaciju između članova organa upravljanja.”

4. Usvajanje Izvještaja Ministarstvu kulture i sporta Kantona Sarajevo, o postupanju NO po anonimnim prijavama od 11.02. i 27.02.2026.godine

Izvještaj je usvojen jednoglasno.

5. Tekuća pitanja.

Nije bilo tekućih pitanja.

Trajanje sjednice: 16:30 do 17:30sa

Dostaviti:

- Ministarstvo kulture
- Predsjednik i član
- EPS NPS i a/a NO-